

NEWS AESBH

Udruženje endoskopskih hirurga u Bosni i Hercegovini

Newsletter broj 2

Prof.dr Samir Delibegović član Edukacionog komiteta EAES-a



Wintermeeting Krakow 2020 EAES-a (Evropskog udruženja endoskopskih hirurga) održan je 24. januara 2020. u Krakovu, Poljska, s glavnom temom

temom „Tehnologije za sprečavanje i liječenje komplikacija“, uz predstavljanje pravca u kojem ide moderna endoskopska hirurgija, da je prisutan intenzivniji razvoj robotske hirurgije, 3-D simulacija te primjena sofisticiranih slikovnih tehnika u samim hirurškim procedurama.

U okviru Wintermeetinga, održan je i sastanak Edukacionog komiteta EAES-a, gdje su predstavljeni novi članovi komiteta Prof.dr. Miloš Bjelović iz Srbije i Prof.dr. Samir Delibegović iz Bosne i Hercegovine.



Prijem navedenih novih članova predstavlja ne samo lični uspjeh dvojice profesora, već priznanje Srbiji i Bosni i Hercegovini na uloženoj trudu u razvoju endoskopske hirurgije

Uspjeh i rezultati ne pojavljuju se slučajno, smatra prof.dr Samir Delibegović. Ističe da su strpljenje, usmjerenost na ideju i cilj, te poštovanost u radu neophodni u razumijevanju i prihvatanju brojnih novih tehnologija i postizanju razvoja struke. „Ovo jeste priznanje i cijeloj bosanskohercegovačkoj hirurgiji“, kaže prof. Delibegović. Članstvo prof. Delibegovića u Edukacionom komitetu Evropskog udruženja endoskopskih hirurga olakšat će, u budućnosti, prijem novih članova iz Bosne i Hercegovine, posebno članova Udruženja endoskopskih hirurga u BiH, čiji je predsjednik prof.dr Samir Delibegović.

Edukacioni komitet je na svom sastanku poseban fokus usmjerio prema zemljama Jugoistočne Evrope. Članovi Udruženja endoskopskih hirurga BiH (UEHBH), Dr Adnan Šatrović iz Travnika, prof.dr Nenad Lalović iz Foče, Dr Jovan Mišić iz Doboja i dr Milan Todorović iz Bijeljine, u toku godine bit će uključeni u projekte edukacije u nekim od Evropskih centara uz pomoć Edukacionog komiteta EAES-a.

„Kvalitetnom razvijanju saradnje i uspostavljanju izuzetno dobrih odnosa sa Udruženjima u regiji i Evropskim udruženjem započetih na Prvom Kongresu Udruženja endoskopskih hirurga u BiH, održanom u Sarajevu, otvaraju se mogućnosti za dalji razvoj endoskopske hirurgije“, rekao je Prof. Delibegović.



Misija UEHBH/AESBH je da unaprijedi znanja i primjenu procedura u liječenju pacijenata u bolnicama u Bosni i Hercegovini.

Udruženje endoskopskih hirurga u Bosni i Hercegovini (UEHBH/AESBH), formirano je s ciljem daljeg razvoja i popularizacije endoskopske hirurgije u Bosni i Hercegovini. Riječ je o udruženju na državnom nivou koje će obuhvatiti sve doktore koji se bave endoskopskom hirurgijom (iz oblasti abdominalne, torakalne ili dječije hirurgije, urologije, neurohirurgije, ortopedije, ginekologije, otorinolaringologije, gastroenterologije, kao i drugim medicinskim profesionalcima koji se bave endoskopskom hirurgijom). Registracijom udruženja u Ministarstvu pravde Bosne i Hercegovine, 25.05.2018. godine omogućeno je djelovanje udruženja u planiranim aktivnostima. UEHBH je nestranačko stručno udruženje koje ima za cilj razvoj endoskopske hirurgije u svim oblastima, pružanje podrške članovima i omogućavanje provedbe različitih projekata u edukaciji članova.

Udruženje endoskopskih hirurga u Bosni i Hercegovini (UEHBH/AESBH)

JZU Univerzitetski klinički centar Tuzla, Ulica Prof. Ibre Pašića bb, 75 000 Tuzla
aesbh2018@gmail.com
www.aesbh.org

Predsjednik: prof.dr med.sci.
Samir Delibegović
mob: +387 61 149 131

Sekretar Udruženja: dr Igor Stakić, mr.med.sci.
mob: +387 66 876 666

PR Menadžer: Amra Odobašić,
dipl.žurnalista
mob: + 387 61 148 411